

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : DATUK KOH NAI KWONG  
[ ALOR GAJAH ]**

**TARIKH : 21 MEI 2015**

**SOALAN :**

**Datuk Koh Nai Kwong [ Alor Gajah ]** minta **MENTERI PERUSAHAAN PERLADANGAN DAN KOMODITI** menyatakan berapakah bilangan Kad Autoriti Transaksi Getah (KAT-G) yang dikeluarkan untuk pekebun kecil setakat ini. Adakah sistem ini mendapat galakan pekebun kecil getah.

## **JAWAPAN :**

Tuan Yang Di-Pertua,

Untuk makluman Ahli Yang Berhormat, Permit Autoriti Transaksi Getah (PAT-G) yang dikeluarkan oleh Lembaga Getah Malaysia (LGM) telah mula diperkenalkan pada tahun 2014. Ianya adalah selaras dengan pewartaan pindaan Peraturan-Peraturan Lembaga Getah Malaysia (Pelesenan dan Permit) 2014, di mana pekebun kecil getah yang memiliki kebun getah dan mengusahakan sendiri atau mengusahakan kebun orang lain dalam suatu negeri yang jumlah keseluruhannya tidak melebihi 40.46 hektar wajib untuk memiliki PAT-G.

Sehingga 11 Mei 2015, sebanyak 167,512 PAT-G telah dikeluarkan yang merangkumi 59.1% daripada jumlah 283,683 pekebun kecil di dalam negara.

Tuan Yang Di-Pertua,

Pengeluaran dan pendaftaran pekebun kecil getah di bawah PAT-G adalah antara lain, bertujuan untuk mewujudkan pangkalan data pekebun kecil dan memantau kuantiti getah yang dihasilkan oleh sektor pekebun kecil. Dalam hal ini, berdasarkan statistik tersebut, pendaftaran PAT-G telah mendapat galakan dan sokongan daripada pekebun kecil getah. Namun demikian, LGM akan mempergiatkan usaha-usaha bagi meningkatkan pendaftaran dan pengeluaran PAT-G.

Sekian, terima kasih.